

EX. 41/2022

Vielha, 31 de gèr de 2022

AMASSADI

D'ua part, Juan Antonio Serrano Iglesias ena sua condicion d'alcalde der Ajuntament de Vielha e Mijaran (a compdar d'ara er Ajuntament), damb NIF P2530400G, facultat entad aguest acte en concret mejançant acòrd de Junta de Govèrn Locau de data 25 de gèr de 2022, assistit pera secretària dera corporacion.

Der aute biaís, Sara Sànchez Borull ena sua condicion de presidenta dera AMPA dera Escòla Garona de Vielha (a compdar d'ara era Associacion), damb NIF G25052978.

MANIFÈSTEN

1èr. Qu'existís en Vielha era AMPA dera Escòla Garona de Vielha, legaument constituïda, ubicada ena localitat de Vielha, ena Carretèra de Betren numerò 78.

Era Associacion a coma objèctiu collaborar damb era Escòla Garona entà auferir ua mielhor qualitat educatiua.

2au. Qu'ei volentat der Ajuntament balhar supòrt economic entara crompa d'ordenadors entàs escolans de 3au.

3au. Er Ajuntament a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per acòrds deth Plen des dies 26 de seteme de 2007, 22 de seteme de 2014 e 4 d'abriu de 2018.

Aguesta Ordenança establís en sòn article 10 qu'es subvencions poderàn autrejarse directament en quauquasi cas, entre es quaus se trapen aqueri enes que s'acrediten arrasons d'interès public e sociu.

4au. Era Ordenança Municipau tanben establís que normaument er autrejament dirècte se formalizarà en un convèni.

Peth tot çò, convien eth present convèni e ar efècte establissen es següenti:

PACTES

Prumèr. Er objècte deth present convèni ei era collaboracion entre er Ajuntament de Vielha e Mijaran e era AMPA dera Escòla Garona de Vielha, entà ajudar ena crompa d'ordenadors entàs escolans de 3au.

Dusau. Qu'en marc d'aguest convèni er Ajuntament collaborarà damb aguesta associacion damb ua subvencion per un impòrt de 3.500 èuros, a cargue dera partida 2022-1-32301-48020-01.

Tresau. Qu'era Associacion serà eth responsabla de destinar era totalitat de sòs ar objècte deth compliment deth present convèni.

Quatau. Era Associacion justificarà ar Ajuntament eth destin dera subvencion, e aurà de presentar es factures e es rebuts des pagaments corresponenti, auments per un impòrt deth doble dera subvencion autrejada, tanben presentaràn ua memòria des activitat realizades. S'aurà de dar compliment a çò mercat en article 8 dera citada ordenança municipau.

Cincau. Sense perjudici de çò dit anteriorment, er Ajuntament, e per miei dera Intervencion de Hòns Municipaus, a era potestat irrenonciable d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauetat entara que s'autrejèc, tot çò en compliment der article 189 e 214 deth Tèxt rehonut dera Lei reguladora des isèndes locaux.

Siesau. En toti es impresi e òpuscles que s'editen damb referéncia ad aguesta activitat se harà constar ar Ajuntament de Vielha e Mijaran coma collaborador.

Setau. Era entitat justificarà abantes deth 15 de deseme der an en cors ar Ajuntament eth destin dera subvencion, e aurà de presentar es factures e es rebuts des pagaments corresponents.

Ueitalu. Eth present convèni aurà ua vigéncia entath còrs escolar 2021-2022, e andues parts poderàn acordar pendent era vigéncia deth convèni era sua prorròga entà futurs còrsi, maxim pendent 4 ans, o ben era rescission deth madeish.

Nauau. Es parts signatàries d'aguest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

E en pròva de conformitat, ambdues parts signen eth present convèni per duplicat e a sonque un efècte, e en lòc e data nomentadi.

Juan Antonio Serrano Iglesias

Alcalde de Vielha e Mijaran

Sara Sànchez Borull

Presidenta dera AMPA dera
Escòla Garona de Vielha

Secretària der Ajuntament

(Document signat electronicament)